

絳跗草堂詩集

絳跗草堂詩集卷二

福州陳壽祺恭甫

七言古詩

放歌行

戊申

男兒致身苦不蚤努力龍媒涉東道不爾在山泉水  
清邁軸槃阿不知老何須鍊玉升紫都但悅還丹顏  
色好我生駒齒羞蘭筋頗思千里開塵氛草間日競  
雞鶩食安覬閭闔排青雲秋暮蛟龍凍哀壑元霜殺  
草風吹籜短劒狂歌覺有神長鏡暗泣知何託昔時  
雲想褰羽衣長源十五將騰飛人生萬事東流水脫

屣便逐青牛師蓬萊飛車駕煙霧天風吹下空中步  
舊鄉歛睨白雲飛孤鴻不行石山暮身世焉知隔幾  
塵幽期終與煙霞親向平苦待畢婚嫁到今五嶽無  
高人蒙山父子麻門婦蘿月自白幽巖春安知蕙帳  
荷衣外笑煞人閒周彥倫吁嗟乎芳蘭不求美人折  
中有素心隱如結君不見浮雲萬壑深復深何處空  
山指明滅

青石藥臼歌和考功孟瓶菴夫子

藥臼為師太父  
贈朝議公故物

巳酉

吾師祖德多清芬仁心及物何懃懃肝脾元氣自淳

古欲以葆性全同群曰科量度作藥店餘事不厭師  
桐君乃圭所入生氣出錘鑪造化相氤氳自從貞白  
歸仙地道素幽光黯然閱此曰溼霾數十年牆角真  
同短檠棄披苔掃礫逢順孫嗚乎手澤今尚存魏家  
遺笏范家硯對此袂濯驚心魂憶昔先賢身未遇封  
殖無忘指嘉樹積水培風天意深初潛終見符其數  
不然此物胡由完中有鬼神與呵護吾師早賦歸去  
來青山白髮常銜盃金鼇峯頂晚談道神州祀梓親  
手栽膏肓痼疾各鍼灸芝朮復苓無棄材歌成藥臼  
持示我歎息遺器無摧積傳之子孫守百世毋使兩

淋日炙淪蒿菜

雁門行為南安傅進士修孟作

辛亥

涼秋朔塞黃雲積古驛蕭蕭衰草白漢關秦月人不  
歸雁積龍荒夢猶劇豐州豪士軼群才少年拔劍躡  
蒿萊飄然秋鷗逐風瞥一夜吹來雁門雪雁門雪後  
風悽悽廣武城外聞荒雞四塞煙寒鼓角溼三關日  
落牛羊低武騎狐裘獵平野誰知塞衛孤征者雲中  
太守干旛踈馬邑名豪縞紵寡中朝將帥憶廉頗上  
客詩書輕陸賈短衣會逐飛將軍去看射虎南山下

萬安橋

壬子

天外潮來搖海綠，海門擘破泉山足。中有卧海之長虹，白晝螭龍迴地軸。釀道鮫宮四十七，扶空雁齒三千六。蛭苗螻趾深膠蟠，平砥安於駕帆轟。異哉斯橋施手時，海東萬石誰鞭笞。人力無乃不及此，天地亦與陰扶持。端明功德自千載，不以恢詭昭來茲。醋字徒聞蔡給事，傳會豈可神。祇欺國書明史皆以移檄海神為蔡錫事自從鯨鯢橫絕島，南北江關築城堡。鏡虹高閣倚青冥，睥睨垂花江樹老。祇今潮落看沙痕，幾遭激盪摧雲根。元豐繡圖不可見，昇仙遺蹟空橋門。坐覺滄波萬古思，極天愁隔春雲昏。寄聲津吏善護視，請看隆碣

神祠尊

青山靈安王廟

在惠安縣城外五十里

壬子

按何喬遠閩書王三國吳將張梱惠安縣志舊以  
為五代閩時人嘗禦賊青山歿而鄉人祀之宋紹  
興辛巳冀允文破金兵於采石神揚旗助戰旗書  
其姓名允文詢之閩人從軍者因請旌建炎中海  
寇作有陰助功封靈惠侯端宗奔閩幸泉州以此  
護功晉封靈安王墓初在惠安縣堂左太平興國  
中建縣掘地得銅牌識云開我墓者立惠安葬我  
身者祀青山乃遷廟於此云

海潮夜撼青山宮古苔蔽木吹樵風天荒雲雨假神  
柄義配精魂為鬼雄我來訪古增歎吒事往英靈未  
淪謝孫吳昔日據江東命將屯邊何整暇洸洸勇氣  
張將軍盪寇橫江此其亞箬笠誰干呂子明錦帆早  
服甘興霸遂令鄉社報杉榆每走邗翁觀伏蜡古廟  
松杉鶴雀秋深山燈火笙簫夜又傳五季逢瓜分三  
郎白馬天下聞將軍此時當一面長劔亦與開風雲  
勲名異世安足惑身後忠魂猶扞國結興破敵采石  
磯陰風慘淡揚靈旂靈旂旖旌一搖眩晴空萬里來  
酣戰誰授姚萇鐵如意坐麾顧榮白羽扇中興養士



士氣孱此後奇功神所援偏安但恨無良圖山河破  
碎魚龍枯渡江泥馬汗流湮惜哉神力徒馳驅將軍  
廟食東南地金榜雲書至今貴由來猿鳥畏威神豈  
有魑魍不潛避聞說太平興國閒佳城字露銅牌斑  
玉魚金盃歸何處寶刀駿馬陰來去一醉瓊漿歌大  
招神今肯縱龜鼉驕

鄭雪蕉知州畊煙種瑤草圖

一松 癸丑

雪蕉先生舊司牧家在鷹山水雲隕稻秫猶無公業  
田蓬蒿但有子真谷廿年鴻雪留閩中

公宦閩二十  
年衙齋皆榜

日鴻

看盡榕綠桐花紅忽吟長吉天上曲鄉山夢落

春霞空綺葱瑤箭從幽討呼龍畊煙秋色老秦城不  
賣卻平瓜洛園枉種周文棗為公歌罷元都壇蒼精  
欲下松風寒定歸玉虹泉畔佳坐茹芝州青琅玕玉  
虹

泉在  
英山

沈秀才煙波第四橋圖

甲寅

松陵森森泝江關釣雪灘頭水幾灣遙看極浦半低  
樹行盡春城不見山詠樓花史

沈自  
號

松陵客四十辭

家猶挾筭肩雲直過越王臺踏月仍攜謝公屐

君入  
闕作

肩雲遊  
展二圖

孤舟一繫故園賒偶寫鄉心付畫家半江欲

下并州翦一葦如牽甫里艤湖上垂虹卧空碧賣花

日日過人跡酒幔春移少  
伯祠茶檣暮入元真宅  
年來秋雨深鷺脰愁外菰蒲綠  
波縵可憐白石費才華  
曲中過盡松陵路回首煙波第幾橋  
姜白石句也又有詞云第四橋邊擬共天隨住  
不覺朱顏坐凋瘦  
我亦常經笠澤濱  
對君煙語益情親  
問君芳草幾回綠  
梅柳江邨花待人

全使君木蘭扈 蹕圖

黑風夜捲醫無閭黃雲吹斷狼居胥

齊侍郎名南寶綸堂文鈔狼居

胥山當在大同直北度漠為今喀爾喀東路之太山霍去病出代二千餘里與左賢王戰封此山而還是白如東界山也今地圖謂賀蘭山之北  
河套白塔之西為古狼居胥山誤矣  
木蘭之山開  
虎落旃裘百國如鳧趨  
前期技射出熊館  
霹靂應手

天顏愉灤陽 啓蹕千騎扈青鳶揭幟前吹竽是時

霜楓塞上赭畫眉嶺名秋染青模湖萬帳星低大漠關

三關月抱高城孤黃榆葉落白艸枯海東青起千人

呼看公騎出紫駟馬短後之衣纓曼胡搥鞭渡河五

花散飛電入水風蹄虛我朝地絡巨無外烏兔出

入江河陸林深霧黑虎跡大射生已轉阿圭圖平沙

不飛海水立白雨一洗青林蕪至阿圭圖遇霖歸來

割鮮各命醕碧盃醉倒紅氍毹豪情感此摹縮素青

冥四顧何躊躇陸隨無武肝膽弱安能汗血馳天衢

公今海嶠專城居出擁熊軾張隼旗草閒狐兔復何

有輕裘緩帶來于于倚天長劍且挂壁鈴齋多暇拈  
吟鬢揚雲更有長楊賦何當共獻承明廬

代題王明府

履吉

海運圖

男兒須破萬里浪許國忘軀心始壯憶昔夢蟻喧臺  
陽君來捧檄資餽餉白羽談兵碧海東朱旗轉粟青  
天上五虎門前決瀦開中流擊楫飛高唱鯨喙齧作  
不復知箕伯陽侯兩相抗帆傾舡折更斫桅雖有篙  
師安可榜脣焦舌敝經七朝偶得霍霖滿盆益得非  
海外挽天河一洗龍腥秋水漲入險誰知出險難暗  
礁劍戟森相向辟如壞木遭斤斲性命鴻毛纒一响

蒼茫不曉天地心忠信終與幽冥諒  
見滄波劈箭來一葉風檣吹五兩  
漁舟轉運護軍儲却達隣疆為  
陳狀獨蒙

寬詔憫賢勞幸免軍書干奏當是時環海皆安瀾絕  
島秋聽息纖纒始從震疊識

皇威乃信懷柔有神相漳南昨日同牽絲百里雷封  
需保障已看薦剡列循良豈有微文速官謗即今奔  
走覲

天顏定邀

恩遇拜一仙仗頻行示我經海圖回首風波默惆悵

王郎脫劍休徘徊意氣感激猶跌宕  
磨塞馬何須論得喪留取艱危舊日心  
闔闔排雲從  
此廷

題何小山珽畫照次韻

君家九仙入閩山碧瞳紺髮回童顏  
榕江荔溪一飛渡千年丹井留人間  
我欲從之敝雲關但鞭赤鯉如乘鸞  
青簡未注蓬萊班海上倦倚珊瑚竿  
嵇生素書故無分蓬球香室徒空還  
後來小山好羽士畫壑題封寄相示  
中有終南入道人夢啓琅函祕綠字  
自從却病皈仙真欲揮八極招三辰  
驚漿鴻脯不易餌意

蕊自結香火因君身風骨本如玉豈復塵累君厨肉  
洞庭岳陽極遊目便想蒲帆飛十幅拍肩洪崖信吾  
友坐睨深山變蒼黝醉眠黃鶴雲生胸笑畫丹榴霞  
入口道成乞我紫琳腴持謝時人輒揮手

次韻題沈秀才

培和

菊花詩後

平生意態劉師命晚向蓬蒿開蔣徑主人耽花獨耽  
菊澄澹精神淪靈性萬花深谷逋客多潛叩花魂花  
不應主人疑現花前身微笑拈花證心印元霜日夕  
凋華顏寒卧高秋君獨信酒人款曲恰逢王詩骨清  
寒差比孟空巖猶足發幽光傲枝不解悲秋興詠徧



續紛女几山採擷細瑣供餐勝雲濤染翰掃苔牋筆

與花枝爭瘦硬

沈秀才逢春字雲濤

同時華藻飛如雲欸訝五

花門文陣花身未必受人憐直抒蘭言為花贈感君  
才地出風塵四十飛騰才一瞬昨來新遇沈東陽禪  
榻茶煙花照鬢芬芳持此助彭齡千載相期晚節勁  
南靖寓齋敢荔用東坡惠州四月十七日詩韻呈桂

林朱小岑

依真

壽宦廬于湘

金錡

平陵朱范陽盧懸河之口能噉枯高談炎午愁內熱  
要乞絳雪瓊丹驅晶丸到手三百顆斗覺寒氣侵衣  
襦飮座真人擣霜煉玉膚曾度十八瑯琊姝雲山風

雪結太古孤高得地紅塵無偃蹇不入扶荔苑造物  
乃遣寄此碧海青天隅淪浥嘉戎固其亞來禽馬乳  
真已痛天漿一酌肝膽醒神清骨瑩如弄招涼珠濯  
枝雨來淪紫筍舶舫風過斟瓊腴忽憶此時越山水  
西採江綠歸思何啻秋風鱸二君聞之勿悵他日  
相思千里當寄香山圖

再次前韻

閩香玉女回清廬

通臚

千霜不覺春容枯紅雲萬朵出

瑤島火鳳軒翥頰虬驅天風吹下丹霞襦玉煙不暎  
冰雪膚嬋娟絕代妙姊如差侶黃石梅花姝

江采蘋  
生莆田

黃石 傾城傾國今有無  
白日猶照東南隅  
吾家阿紫不可見  
塵胃未沈顏色  
巖嶮山甜雪誰坐  
致母乃遺自燕景  
珠左車一觸恐已  
靡何解吐屬含清  
腴東南佳味此未  
有螯金膾玉輕江  
鱸開天飛騎不到  
此玉環買笑那可  
圖

小岑于湘見和噉荔詩三次前韻為謝

我身局促如蒲蘆  
生涯筠管愁乾枯  
比年涉世真為口  
飢雁每受天風驅  
高齋道暑解單襦  
烝炊多汗愁漫膚  
偶然噉荔記坡老  
捧心欲學耶谿姝  
縵來海上 一事無  
未免蠻語捺奴隅  
輕紅一擘發竒興  
前唱直

簸糠社簾報投忽逾四匹錦咳唾迸落雙槃珠同人  
頗似高李輩此豈緣我色敷腴見杜詩卻怪鯨鮪喻未  
稱祇可評品吳淞鱸得君新詩颯然爽灑翰請附端  
明圖

小岑再和噉荔詩仍次前韻酬之兼呈于湘二首

先生擲筆猶擲盧憑陵大韶脣不枯金槃玉籠供飽  
食詎勞千里風塵驅紅裙之醉羅繡襦但飲水藜窮  
山膚豈如吾黨方浩浩靈臺如水清而姝歐寮山二名  
客眼底無我亦來自芝山隅竟陵設瓜定陵棗文醺  
坐使除豪簾赤玉乍拚神島樹朱火疑照明堂珠上

清沈澀不易得功與人世滌羶腴人生南北異嗜好  
王公羊酪張掾鱸要知美在酸鹹外評詩記否司空

圖

詞源闡於成奴盧尺水要素窮魚枯汲新除舊發廢  
井怕見三峽奔濤驅又如貧女寒無襦短水百衲才  
掩膚縱煩刻畫恣唐突敢鬪邢尹雙宮姝海山仙人  
笑我無苦彫肝腎憑座隅胸中梨棗了未種口上荆  
棘嫌猶廉非君腸胃射花日豈稱百琲吞紅珠君不  
聞我眉老居士嶺南作宦充鮮腴黃柑綠橘擘白蟹  
冰槃藿葉攜銀鱸老饕一笑杳千載欲踵大筆誰其

圖

和啜荔詩數日益增鄉物之戀六用前韻

晴谿沸日蒸觚盧棗杏火鑠青條枯風枝露葉丹已  
脫嗟我觸熱猶奔驅感卿贈我當繫襦鏤刺何以寫  
香膚茜裙蕉衫當五月提筐想見楓亭姝釵頭玳瑁  
分我無未忍綺核堆墻隅我不願調石蜜滑亦不肯

糝青鹽簾

東坡密漬荔支詩  
逢鹽久已成枯腊

願為卿奴護花樹長似

白鳥栖三珠回思去歲出京國朱櫻縹李垂紅腴秋

雲一葉渡江晚微霜破柑玉破鱸水盤此物獨未致

離鄉風味良難圖

于湘再和詩有謝女解圍之語七用前韻調之

筆陣兩面當矛盧安得雙管擦生枯犀兕尚多丹漆

羨釋甲應著麾幢驅我從帳下分袴襦袒背僅得完

肌膚君胡解圍丐中幘繡旂錦織煩閨媿夫人城高

得見無渴軍望梅走庭隅橘衣繞圍勢未卻蔗杖起

舞才何廉將軍大樹猶可援

東坡詩序陳文惠公祠下有手植荔枝郡人謂

之將軍樹且復餉此盈箠珠聞君斜灘有茅屋松岡招友

餐松腴山公謀婦能具酒左公娛客能釣鱸何當竟

携佳句往范張雞黍期後圖

于湘倒韻索和戲答

六鼇連釣真可圖一竿誰詫四十鱸陳生釣詩亦如  
此欲搜墨海餐詩腴安知詩城受逆擊轉劍頓落乖  
龍珠側生旁挺皆得手倒披蓮萼如柶鹿我慙爭桃  
避席末君猶射蕉環庭隅空卷白戰寸鐵無掩笑難  
禁吳宮妹勸君束杠且解旆勿誇紫距傷毛膚天吳  
紫鳳圻舊繡盍惜顛倒移衣襦桐禽自挂亦徒苦風  
鷓卻退誰為驅但須玉液消腸枯同君花下提壺盧  
贈桂林朱小岑布衣 依真 甲寅

羅爵誰能及鸞鵠桂海高人有朱穆父兄文采接風

流小岑尊人桐莊太守仲兄  
秋岑貢士皆以文學名小年啜唾生珠玉厭聽



名經千佛喧  
趾登試席孤  
羅伏九芝  
艸堂雲氣寒  
招

隱湖山即濠  
濮平生耽  
竒語欲竒亦  
近昌黎亦昌  
谷

曉風殘月弔  
屯田寒食錫  
簫斷仍續千  
古魂銷江醴

陵艸色斜陽  
遠天綠小岑工填詞有人問世傳竒分

為南北名流激賞邇來旗鼓偃中原  
隨園詞壇善推轂老過

西粵得君詩  
悵青琴未終  
曲焦尾能今  
爨下聞苦

心何惜車前  
鬻錢唐素簡齋全州寄小岑詩闕心揭

來遇我漳南  
天發篋千篇  
授我讀自言  
六稔遊閩陔

萬里青山見  
君獨人生出  
處感離索自  
覺夔蛇互憐

速文章有神  
交有道未肯  
風懷讓端復  
但愁人事多

參商接膝連旬期已促平章先輩登選樓商畧名山

甘仰屋

小岑與余縱談古今期異日各刺鄉先輩遺書又欲撰閩川考未逮也

莫憊短

髻鬢如絲會與咸池髮并沐白鷗浩蕩不可馴側身天地何蹉跎

鄭使君一崧海天風雪圖

乙卯

仙霞千仞雲歷山重崖飛瀑鳴淙潺漁梁負雪插入  
半幾點青露煙中鬢南州暄煥朔氣薄鯁風蚤雨連  
群蠻碧翁玉戲偶一笑何有黃竹愁人間嗟公安雅  
心靜憫嘯歌不遣詩情刪曩時黃綬入海嶠蕭蕭風  
雪侵朱顏狐裘蒙茸貂帽側有如鶴氅時往還褰帷

想見廉轂夾叱馭豈憚羊腸艱自從衰謝鬢髮斑敝  
車羸馬甘投閒梁園授簡不可遇洛下高卧誰能攀  
但傷猗蘭伍薺麥孰惜幽桂遺榛菅崔侯文章駢束  
筍猶能忍凍藍田關孟翁顛頓斲荒棘滿身清玉聯  
佩環况公歸田拾瑶草鋤芝可豢青虬頑空山獨立  
妙悟得欲滌肝膽超塵寰酒闌醉起視明月海天秋  
影飛霜鷗

文信國琴歌

丙辰

琴鐫五十六字云松風一榻雨瀟瀟萬里封疆不  
寐寡獨坐瑶琴遺世慮君息猶恐壯懷消昔景炎

元年蒙恩遣問召入夜宿青原寺感懷之作譜於  
琴中識之文山舊藏何上舍述善家今為李秀才

紹鄴所得

青原寺  
在吉州

文山紫雲不可留文山古琴尚如昨三宮頗憶汪水

雲

汪元量以著  
琴事謝后

七客誰論賈秋壑

楊維禎七客寮細  
秋壑琴其一也

看二十八驪珠景炎赴台感懷作公初志欲扶昆侖

見文臨安事業風波惡恨少尚方寶劍斬佞臣又無

山詩博浪神椎殲寇雲獨騰雲和空桑危苦霜月之孤柯

觸掩哀音沈窸窣夜雨青原一榻涼風煙萬里鳴秋

柝君息世慮兩沈吟浮雲柳絮無住著羽換宮移反

掌閒南冠楚奏心回薄一十八拍胡笳聲愁對寒雲

連翔漢

見指南錄胡笳曲

但惜廣陵一斂絕人間不遺嵇生

頽影揮絃索六陵淚洒冬青花穿雲秘玩俱零落

李林

鮮醒語

西僧楊璉正

伽智掘宋諸陵寢理

宗陵得穿雲琴金貓睛為徽龍肝石為軫

地老朱鳥歸猶似華陽之鬼悲漂泊本靈前何後李異志

皆好事向來摩抄收錦囊宜占端州玉帶生二妙並

入芙蓉幕請觀翠綠藉長筵龜紋虵腹梅花錯絃以

園客之水絲徽以鍾山之碧玉

玉讀如龠焦氏易林桑葉蟬蠹衣服如絡

女工不成

絲布為玉會須敲碎西臺如意為君歌歌成萬古傷

哀樂

何編修西秦觀海日圖

丁巳

鷲閣崆嶷橫滄湄南睇丹穴東嶠嶼長波如山薄崖  
隳往往星月相蔽虧蓬萊仙人好奇絕夜捫青壁看  
晨曦鼉更聲斷羊胛熟燭龍小眠來何遲石雞踞罷  
赤烏班朱殷倒射樾都枝日天八萬二千里一閱再  
閱離咸池初如火珠高百丈上抱雲蓋紛焚麗又如  
洪鑪鑄地底曙海磨徧青銅肌三壺天際橫一髮金  
銀臺曉明金支搏桑萬里搖空綠片片微作千玻璃  
欵然水日互春擊玉城雪嶺中崩隕下臨貝闕恍可  
瞰水夷出舞騎蛟螭此皆六氣之所鼓決昔已盪人

肝脾大千浮世一粟耳  
蜃市變滅無時知  
曾城不夜渺天外  
咄哉誰拜成山祠  
先生卻寫滄洲趣  
三年客遊呼畫師  
鴻濛蒸氣慳猶溼  
憑軒聲作雲濤吹  
酒酣長舞擲盃起  
滿座觀者驚睚眦  
還君此圖獨歎息  
安得躡屩相攀追

容成丹井

在福鼎太姥山

戊午

神仙渺茫誰所譜  
南荒乃稅容成驂  
石坪丹臼貯寒  
瘧天門雲竇開  
虛嵐黃芽七返煉  
玉骨蒼然夜裂清  
泉甘至今飛珠洒  
石壁秋霞洗出碧  
玉簫山中猿虎  
作僮僕恍惚樵牧  
能追談胡為丹成  
舐餘瀝不及雞

犬隨淮南我聞軒轅立五始蓋天遺製萬象涵七輔

六相神所昇三辰八風幽可覃陰陽絕學足不朽漢志

陰陽家容成子十四篇豈假雲液供晨酣真誥雲液晨酣洪荒定無弓

狗患何事辟穀逃穹岷又聞荆山命鑄鼎泰一法象

如函三青丘紫府授藻笈赤將黃蓋歸雲菴甯封或

容左徹伍岐伯後與師皇叅先生空同藐獨立見列子

谷神不死傳彭聃見列仙傳生憎陰道廿六卷房中邪說

遺之慙漢志房中家容成陰道二十六卷羸劉方士鼓簧口一一贖

託推青藍嗟哉三古事冥昧欲辨雲鳥難逢郊徒留

洞天一丹并千秋西嶽供幽探太姥有西嶽之稱



嶺行憶梅

戊午

昨夜青山睡未足大姑小姑黛眉蹙

二嶺在浦城懷  
漁梁山北

然弄雨送行人黯黯楓蘋篁竹綠我行著意看青山  
煙華遲我詩情慳  
巫傍寒梅訪消息踏殘野水疎籬  
開前日道旁逢一樹今日春光不相遇東君似憫少  
陵窮恐亂鄉愁傷歲暮翻思峻阪多風雪花落  
花開復誰折多情衰艸護橫斜同恨垂楊綰離別山光蕭  
瑟暗香消明月冰魂何處拈東風已綠湖西路十頃  
煙波夢六橋

蕭山汪氏雙節母詩

汪明府輝  
祖之母

己未

湘江二女古離別湘竹至今漬啼血江波直下海水  
深化作湘湖愁越絕湘湖清且漪可以漚米絲持絲  
絙寶瑟大小絃俱悲一彈湘妃怨湖月為遲遲柱折  
徽推不成曲萬古傷魂雙寡鷓蕭晨鴻雁乖其行蓬  
毛搏攫來竒鷄天池可枯石可爛同心冰雪難為戕  
君看春雨西興岸瑤草成林土亦香

秋風詞為同年宋芷沅湘作

涼颼攪畫堆愁霧燕山日瘦天為黔浮埃十丈塞窮  
巷閉門秋老無蟬吟木蓮始開壯士卧匣劍冷入青  
霜鐔芸華東屋呼小宋攤膝不得披長襟七年京華

守破壁頗苦兩腳侵風淫習公縱然非病蹇那可按

穴無神鍼

並灣方  
抱脚疾

颼颼薄寒中肌理霜中傲蒨誰能

禁先生天骨合變化古黃一出萬馬瘖並時名姓遂

龍尾許我山水聽瑤琴世閒蛩蠖互憐愛何況星聚

無商叅衆仙抗手群玉府罡風不到蓬萊峯蘭臺詞

客今再見豈復感物嗟蕭森郎西飛沙穿戰甲英雄

撫髀寒宵深雄耶雌耶忽長笑作賦何足傷秋心玉

河虹影明綠潯城東吹笛紅樓陰黃昏有酒斟復斟

開簾拈月來青林

暮秋出廣渠門送同年謝尙男

震南歸

薊門木落秋風急，雞鳴送客衣。霜溼蕭蕭燕市絕，酒  
徒瘦馬悲嘶作人泣。下馬攬君祛，踟躕道傍立。為君  
寬離愁，欲語轉嗚咽。半生漂泊風中蓬，千里萬里行  
騰空。十年計車五挾筭，三試不得趨南宮。君乾隆庚戌  
禮部報罷乙卯自蜀入都後期嘉慶丙辰滯吳門已未奔父兵曹喪于京師皆不與試去冬同

舟來逆迢，建溪渡篷牕，攤帙恣討論。南過杉青渺煙

樹，何意枯魚蠹索哀。白衣徒跣闌山暮。戊午冬君至杉青開閣計

先入雪後春明重握手，坐我蕭齋翦春韭。我旋射策

謁金閨，君乃移家居甕牖。魚相吻沫蛇憐風，致我雲

中使飛走。君身處困能扶人，此義高於華萬阜。梁侍

御汪儀曹

謂九山銳齋兩前輩

造門徃徃披青袍歎君鷹隼伏

竒毛決雲何日辭蓬蒿君今扶櫬歸閭里素旄飄零  
白河水有弟茁穉蘭有妹芳弱茁單船九月祇凋寒  
任昉諸孤竟如此我從前月聞戎裝連旬忽忽如有  
亡故人一別成夢商中年衰樂何其傷使我淚亦不  
能墮歌亦不能長長天魂逐南鴻翔化作萬片雲茫茫  
請君行矣復邦族人生何須詹尹卜風雨窮廬保  
骨肉一瓢樂飢亦清福

送林訓導開瓊

出都

丈夫五十不珪組便學掉頭孔巢父胡為青衫尚羈

旅春盡山中老芳杜英雄落托緣斗黼婚嫁牽纏小  
兒女青瑣獨冷守風雨跼足焦原此良苦昨日賣田  
作貢禹竭來投牒謁東府安知敗穀有飛蠱罡風吹  
墮青冥羽一斛葡萄少芳醕杜陵男子身肯俯君前  
為教  
諭左轉訓導今謁選當得縣尹而吏讀君詩卷虹氣  
持文狀責納貲始復秩若遂拂衣去吐每覺春風生肺腑有時抵掌論政譜掃落秕糠十  
四五如此長材弃斤斧文親扼腕嗟齟齬先生大笑  
了不瞞道此猶鴟嚇腐鼠人生哀樂迭相倚百年一  
夢風沙聚王侯螻蟻俱黃土得失一馬馬足數五斗  
功名折腰股其伏為鼠飛為虎巢鸞安得兮厥伍况

今雖梁厭鞀鼓繼蝨其間我何補文乃非文武非武  
不如汗漫謝朋侶南浮吳越北齊楚江湖五嶽皆宗  
主芳草何獨懷故宇知君已抱冬心古我贈君行復  
何語君家舅季恢門緒萊蕪廡聲冠計簿謂令弟醇  
叔同知  
成弟之名扶風魯如君可以鴻鵠舉請起一為渾脫  
舞燕山雪花滿軒廡別思濃於送南浦仲宣樓頭買  
春醕跋履何門走躑躅廬岳之顛曹溪許平生談空  
得門戶青鞋布襪松花塵雙樹他時求七祖  
大興朱尚書南崖夫子梅石觀生圖  
康申

空山煙暝搖飛蘿玉泉吹雪風中過一花一石悉空

色但覺山水同楞伽梵天迤迤乾闥婆中有壽者玉

顏醜坐觀無始淨五眼寶界徑欲登兜羅支提生在

玻瓈柯夢中明月尋磐陀

夫子自辨  
盤陀居士

直疑化身百千

億天荅萬片圍維摩梅耶石耶兩不語窈照已入奢

摩陀生非實生滅非滅豈有我相叅禪那嘗聞淨土

澡六和大地遍覆華雲多耆闍崛上畫五指貝多樹

下摧群魔願師更運龍象力衆生度脫越恒河

座主陽湖劉大夫漫遊圖

下澤乘車馬少游幼興自悅乃一丘平生夢不到五

岳安知海客談瀛洲吾師家傍蒼江浹江北江南白



雲裏何時乘興寫雲山要期九垓尋若士初遊天上  
白玉京高步十二樓五城霓車風馬駐靈瑣瑤宮謁  
帝聞吹笙中遊岐海踏煙霧使星夜照珊瑚樹鸞翔  
鳳泊來群仙織女蓬萊指征路隼旗西更遊牂柯碧雞  
金馬春霞多熨童嬰女出歌舞烏鬢落照回洱河即  
今五馬相驅迫無數峯青待行客原知折阪馭王尊  
未捨遊山謝公屐耳挂冰綃素壁閒終須騎鹿破雲  
闌秋風浩浩天河夕吹墮愁心五湖白

禮烈親王克勒馬歌

國語克勒馬謂棗騾馬阜  
青尼駿者汪克峯有傳

烈王骨性真龍種天馬天生佐神勇肝膽如人貌不

成但見丹青髮稍動其脩丈咫高七尺鱗甲生曾角  
生額國初駕馭皆英雄蹴踏風雲百靈役烏拉葉  
赫三韓東王來破竹成奇功明師五日薩爾澗二十  
萬衆為沙蟲此馬所向一敵萬出入百戰如游龍自  
鉤聖水洗瘡痛夕陽巖液流淙淙萬里歸來沫流赭  
錦鸛羅帔華軒下忽聞金鼓誤軍聲猶想奔虹天際  
行王生爾生死爾死世上孤忠有如此可憐人馬兩  
神奇白山草木呼風起邇來隴漢旌旗殷羈馭萬騎  
塵埃間皇精何由降太乙元蹄西踏巴夔山大宛青  
海歷無草歲貢豈免參驪駟許脫帛齒金門式願鑄

騏驎立九關

讀黃石齋先生自書謁周中丞祠詩

周忠惠公起元海澄人

辛酉

明網解紕延熹廟鉤黨毒痛紛矯詔黃芝出地血尚  
腥白疏誣天爛重燎君看漳浦哭友詩直代巫陽敝  
闢詔胡騰引絛惜淹遲桓典營祠致齋醮一鄉禁火  
作龍忌萬里招魂託蠅弔茄花委鬼已灰塵橋頌懷  
沙有哀調嗟哉亂領膏斧晚何補沉寃覆盆照北寺  
獄開漢亦亡東門眼挂吳可料宮隣金虎迭憂患荆  
棘銅駝助悲嘯三疏况勞講幄爭一麾遽罷平臺亡

白鳩且莫憐江州朱鳥旋驚歸海嶠春容衣帶絕命  
詞後先史何相視笑史忠正可法何忠誠騰蛟鍊石肝腸寄此詩  
神物千年護墨妙

仙掌石歌

壬戌

石在廣東學使試院中南漢劉蕡笑鑿湖通藥洲罰  
罪人移太湖靈璧石其中號九曜石仙掌其一也  
地志載石刻八今書二事一嘉熙三年己亥上巳  
九仙野史陳疇少錫泛舟仙湖觀仙掌石摩抄蘇  
刺米南宮詩一奎正甲申秋東道宣慰使都元帥  
姓敦詩誌今石半為榕根所踞米詩不可見嘉慶

壬戌孟春予過嶺南得仙掌石刻拓本歌以系之  
藥洲洲中數片石猶是太湖落星白當時鞭撻疲萬  
夫豈有精靈五丁擘誰歟刻畫仙掌大太華真形現  
咫尺昌華苑廢舞岡殘可惜扶傾此其隻石根下有  
南宮詩老榕蟠踞竟奪之雷霆白晝行地底恍惚怒  
攫龍之而何時剔辭誌竒觀去聲後元至正前嘉熙江  
山蕭瑟千年久天遣山林落吾手海南壯遊良不孤  
一幅堆煙弄蒼黝滄桑百變物何常雲泉獨卧誰為  
友君不見辭漢金人泣露盤神仙安得如汝壽  
贈梅用東坡先生松風亭韻

嘉慶壬戌孟春寓嶺南官齋見群鷓盛開而寒梅  
獨不發此花孤高絕衆豈有所避而自藏與作是  
詩論知梅者且為梅解

東風花柳明邨邨羅浮萬蝶招春魂豈知梅花尚耐  
夢耻與桃李爭朝昏蠻風蚤雨鎮飄泊一夜偶落西  
齋園海南春氣泄亂早玉肌抱煙不復溫要留芳信  
待明月誰索妍笑迎初暎高寒本乖橘踰國孤潔况  
忘蘭當門蛾眉絕代防女妒韜華匿豔終無言逝將  
別女暫相慰且侑羈客花前尊

白雲謠為陳默齋騎尉

廣甯題畫

雲者子弟山父母

語本論衡

離根復合乃其偶悲哉孝子

一掬心化作孤雲亦何有雲之來兮大海東陰風慘澹  
鬼火紅雲之去兮大江北落月楓青關塞黑江海水  
深魂魄阻惟有白雲照四字白雲在天不可呼千里  
萬里煙情苦雲亦不行為君竚稽山山下雲歸所回  
望松楸泪如雨

君所後父薪巷縣丞殉臺灣難生父岸亭通判卒官鳩茲貧幾不能歸葬

圖以此作

陳默齋扁舟黃葉圖

壬戌

去年我渡津門月夾岸楓林綠已脫今年我宿越江  
天亭臯疎木搖蘿煙飄飄南北逐瘦蝶行子百感增

悽惻前朝荒寺僧自閒古戍征人猶故關江湖始波  
夕陽澹回看風雨滿長安山川如此不歸去黃葉笑  
人狎遲暮青山寂寞變霜容轉眼深紅醉楓樹羨君  
一櫂家山邈身在江南圖畫裏點齋句桂花已過橋  
一來黃雪茫茫沙瀾瀾萬片齡雲落江水但見煙明一  
鷗起君才能武能文章傳船題徧菴苔涼離騷下酒  
扣舷唱近代絕調爭崔王崔不雕句黃葉聲多酒不  
辭王革句黃葉聲中自著  
書皆為新  
城所賞  
片帆迢迢載秋色背指江綠山蒼蒼安知  
人世春夢外更有流水桃花鄉

題錢唐梁曜北

玉繩

蛻蕙後

癸亥



梁子高門最清白螭飲龍遊潔成癖脫身名利韉鎖

中腐鼠由來謝鷓鴣青緗世業傳卿相伯仲山居精

典籍謂大父相國文莊公世父冲泉侍郎令弟處素往來耆舊天下雄抗世

陳崙錢昶盧文暨孫志翟志灝灝槩人未肯讓稷嗣問事

何曾休景伯平生仰屋百萬言文字撐腸五千冊史

通學補談遷疎人表功逾曹馬覈元蹄編成綴錢布

誌銘例廣搜金石枝字應獲咸陽金所著有史記志疑古今人表考

元蹄畧誌銘廣賜書不誇蕭晉宅家有為儒渣雅耻

章句詎屑雕蟲鬥花碧仰看飛落響龍文亦復鏤心

攜鳥跡蠻花遨遊簫鼓場隨宦湖山生長冰玉魄九

天河漢咳唾落四海風霜鬢鬢積已覺探驪光衆製  
胡為委蛻輕一擲先生至樂叅南華滑介支離脫形  
役坐觀萬化窮蟻蝶乃出蟻衣與陵鴛鼠肝蟲臂了  
不知黃軛青甯紛屢易王侯螻蟻同丘墟逐臭螻尤  
過駒隙飄然捲殼入雲中仙骨誰能附風翮區區文  
章一小技秕糠塵垢安足擇我聞身隱焉用文此意  
深砭噉名客但恐逃名名子隨吉光片羽尤珍惜此  
卷長留天地閒耿耿元精照肝鬲若不見復憑文冢  
有鬼神貝氣蛟光猶弈弈

唐文粹劉蛻梓州飛率寺  
文冢銘序燦如星光如貝

氣如蛟  
宮之水

宋高宗中興瑞應圖

甲子

宋高宗中興瑞應圖清河書畫舫以為蕭照作孫名岐法書名畫錄以為李嵩作圖凡六段第一段城門蓋磁州也射兔事無考第二段飛仙亭射牌默祝弟三段渡河水合事並見續夷堅志第四段甲馬問途無考按宋史汪伯彥傳高宗以康王使金至磁時金騎充斥嘗有甲馬數百至城下蹤跡王所在伯彥亟以帛書請王還相躬服藜藿部兵迎王於河上疑即其事第五段夢徽宗賜御袍見續夷堅志第六段顯仁后祝棋見揮麈錄

洛下先啼鵲淚赤燕中不報烏頭白君臣相率拜龍  
沙故國塵汙天水碧立康讖見非人謀九哥天遣留  
磁州蠟詔旋開元帥府水軍兼造江淮舟宗李甯慚  
將相略苗劉轉肆兵戈虐建炎初政誤汪黃坐縱楚  
齊棄京雒箕尾歸天不可招秦頭壓日漸生妖漣水  
軍還和議定風波獄上老奸驕冤札祖背忠誰察其  
問淮西十五札艱難豈不識平原謠詠終須死明月  
嗚乎興廢皆光堯當時瑞應安足恥渡江劣得驅泥  
馬挽弩何曾射海潮最憐半臂傳書窘環佩東風塞  
花隕空留紫纈憶摩敦不見青衣返懷愍夢裡御袍

誰賜之黃羅更卜九宮棋庸知一局終輕擲難免長  
安似弈悲志荒已罷巡江衆郡國楨符競來送靈芝  
文未九穗未紹興雅與中興頌崇虛飾誕由人生日  
食可賀海可清昏朝瑞應固如此奚怪王氣興秦城  
我觀此圖獨心鄙手跡未遑辨蕭李滄桑百變物偶  
存講入宣和定何似

卿雲萬態石歌和何相文兵部

南鈺  
石在熱河

卿雲萬態良嶽石生自江湖走淮浙玉葉墮地山自  
開錦川吹波煙不滅不刺政和聖濟經不為端禮黨  
人碣胡然歎府厭神霄飛落黃沙泣燕雪大觀君臣

矜智慧延福宮觀紛施設御前工作鬥淫竒神運昭  
功修光烈黃楊薜荔百榘胎彩鷁舳艦諸道截題封  
黃妃健卒奪供奉青華民屋撤金芝壽岳增瑞符辟  
月珠星等恢譎強效唐虞歌紉縵俯隨朱蔡爭媚說  
朝廷雖小聲焰張州郡已破脂膏竭太學諸生靈諷  
諫青溪劇賊先芽檠被蒼生物為瘡痛此石非祥乃  
禠蟹暮年縱罷西城租下殿難回北狩轍八寶九鼎  
俱沉淪賸水殘山暗嗚咽此石曾歸王府秘何年獨  
立灤河子邊城初月牛羊卧塞艸衰秋苔蘚裂銀河  
錦杼罷支機瓊島仙霞隔危岵

良嶽石西苑  
尚有存者

直同周

鼓亡國俘猶漬秦鞭舊時血古來萬事幻雲煙咄哉  
一峯空嶺嶼毀壁沉珠聖所戒雨淋火燎今誰屑行  
人駐馬指斜陽一片韓陵不堪說

藤花吟館詩為梁蔭林儀曹作

章鉅

癸酉

藤花有屋在

帝鄉居者芝蕪朱周黃吾鄉亦傳米友後以菴名集

詩琅琅

侯官許不棄有  
蕪蕪花巷詩鈔

風流猶為樹愛惜艸木自與

人輝光百年勝韻已銷歇接跡乃見江田梁

儀曹榘  
系在長

樂江

君家太僕温且良後先金馬三鸞翔

君升父九  
山太僕後

兄曼雲編籒與君  
先後並登詞垣

籍咸覽舉得門內君尤疎筆騰文

昌晉安風雅今誰張堂堂吟社招壺觴坐中健者雁

門薩

檀河游彤卣陳秋坪

同知尊宿驟兩襲其餘魚雅各

矯矯

余亦追逐趨雞坊不知杏館開西莊但聞蕭齋

呼青楊幽齋蘭竹交密幄架棚藟蔓三尋長繚垣滴

青細雨滑疏窠搖蕪春風香詩成長嘯酒亦狂簾前

落花雲半牀翠紅翦刻未足貴徑欲霞想凌扶桑看

君尚友登三唐東南嶠外羅文章

君頃輯閩中唐集為東南嶠外詩文

鈔山川香艸千古在彼何人哉繡蕙纓吾儕努力崇

令德久以芝室無渝芳

姜受菴二我園祝齡



女媧搏土紛微塵我生萬變知何人鼠肝蟲臂隨造化羊尾雞足難為神墨子經說羊一羊尾二此即公謂兩足形也百年形役流光駛昨非何必殊今是富貴空嗟春夢婆鬢看誰認方山子此身不二衆緣空此心月印千潭同濛濛蝴蝶忘蒙叟一一梅花見放

翁

朱笥河學士題張進士明三谷梨精舍詩墨跡

丁丑

笥河居士神仙伯掄文岐海甘棠澤倡提古學姬昌  
黎文字流傳抵金壁明生載酒餞軺車一唱驪駒感  
疇昔谷梨精舍遺墨存天半虬螭鬥雲書醉翁好士

出天真十載一樽戀魂魄

公詩有醉翁雖醉客信佳十載一尊付天壤古人所

到魂魄

戀等句鸞情鳳想屬霄漢哀樂猶餘雪鴻跡三百三

十三士亭遺愛千秋託貞石况逢舊雨慰別離俛仰

湖山煙水碧卅年桃李半凋零聞笛悽斷山陽客幔

亭霞榭待公歸何日重来停杖屐

公詩落句云有日重来憩屐杖公嘗

夢武夷君虛左以待諾以十年後至見公弟南厓相國詩集

少谷山人遺墨歌為望坡巡撫賦

毅皇昔日臨寰宇嬖倖紛紛進聚橋山東群盜如蝟

毛轉掠河淮震畿輔少谷山人獨款歔憤時憂國如

三閭遲清亭築金鼈下拂袖歸來卧艸廬禮曹再起

尤忠讜切諫南巡被廷杖捲懷疏艸返初衣直節高  
風天下壯請從論世誦公詩誰道呻吟殊拾遺公詩  
豈徒得杜骨千秋忠愛真吾師遺墨流傳罕經目滿  
紙煙霞忽驚矚交游離合藹深情揮罷媿豪悵然讀  
轉憶山中金粟臺以下皆隱括  
詩冊中語夫容冷落秋江哀東  
峯花明蘿薜綠高歌滄海長風來貧女吟甘饘粥淡  
淹戍良人邊覺憾况嗟夏日時雨愆更愴朔州陣雲  
暗篇終自志在庚辰正德末年久隱淪江湖尚緬宏  
治化許身稷契非其倫晉安風雅聲能夏上掩林高  
啓曹謝須知浩氣留兩閒不獨文章盛光價吾家節

使忻得之鳳毛麟角同珍奇於戲神物不磨滅聞風  
頑懦資扶持

題畫黃梁夢

日月輶無停軫萬物馬紛馳騁有為法皆泡影玉侯  
尊等螻蛄浮雲變嗟同盡大千界一夢境天外風吹  
不醒回先生來導引華胥游漆園寢歛然覺萬緣屏  
黃梁炊猶在鼎悟并沈失忻憫五十年杳一頃黃庭  
絀手所秉金丹訣心所領渡迷津叩元牝來者誰亟  
猛省君不見邯鄲枕

唐陶山按察松回圖

仲冕

庚辰

飛蘿陰磴搖春煙浮雲翠壁高攬天幽花軟艸青芊

芊但聽萬壑松風扇蒼髯三客來翩翩道人夜夢相

周旋謂潘榕皋太翁平生良契公房賢不約已陟神山巔空

嵐溼翠撲衣寒石古路細鳴紅泉松間回顧飛鳥翻

舉袂直拍洪厓肩遙指危亭擗蕙榜冰甌啜茗臨風

前迢然乘躋丹丘仙天台石橋手可蹇不爾入定真

如禪黃山天目蒼龍纏妙悟無始能通卒非因非想

它生緣異境恍惚華胥眠握手一笑三千年使君後

凋身比堅雲霄勲業垂青編鍾鼎山林清福全元禮

謬謬天下傳世間屈曲無由牽神官提挈姬維聯青

鸞白鳳隨笞鞭湖南山水清且妍夔龍丘壑邀彭錢  
它時息壤想復然廿年詩夢應重圓

李陽水般若臺篆歌

在烏石山  
華嚴巖

辛巳

海邦文獻肇永嘉羸劉金石遺荒遐石室仙書既茫

昧魁崎古籀空塵沙

永福六洞仙山石室有古篆十  
字見集古錄福州鼓山里魁崎

有石橫亘五十餘丈  
刻籀文其上不可識

貞元石塔下邳墓窳窳唐蹟初

萌芽焉知華巖幾千仞天半風雨騰龍虵

貞元十五年  
无垢淨光

塔銘在神光寺大中九年下邳郡林夫人墓志乾隆  
甲午吾師孟考功始得於西關外將軍山今在府

學此山作鎮越城鍵李貢造臺少温篆古人作事垂

萬齡字大如梓挂危巘架梯百丈苦難攀神物撝呵

敲礪免釵頭鼎足力萬夫至今玉筯留型典忽思辟  
老彼何人敢持瓦釜隣胡棟風雷黑夜倒鏡峯無乃  
山靈謫違舛吾聞李監究許書欲鑄六經稊魯魚丞  
相中郎丈人行豐豐束束譏猶踈城隍謙卦三墳記  
妙蹟翻摹開鑿異世人不見金滕圖孰辨差譌叅俗  
字李少監篆傳於世者縉雲城隍廟記蕪湖謙卦西  
安三墳記拙先陸記皆後來翻刻或重開鑿世疑  
篆法多雜俗書不知其非真跡也張僧繇金  
滕圖有陽米跋非石刻可及見庚子銷夏記豈如茲  
刻真雄竒華嵩岌岌龍泉披見宣和書譜惜哉天下寶四  
絕配此惟有軒轅祠天下輿地碑記般若臺篆與霞  
州新驛記縉雲城隍記麗水志  
歸臺世稱四絕案今存者獨般若臺與仙都山黃帝祠字四大字為真蹟君家家世傳文

學杞梓碧璠皆卓犖倉頡後身更不疑延陵遺法應

從朔

少溫見嶧山碑與延陵季子碣而得法見宣和書譜

曾稽書譜冠宣和詎

肩隸徒鬥程邈上天何止瑞唐家但與平原擅連珪

顏魯公書碑必得陽

可憐冰去後千年誰使元輿歸

掌握

見舒元輿玉筋篆志

冶南天未喪斯文留重名山匹喬嶽

翰墨香

黃石齋先生圃中荔枝也先生既誕圃中石旁茁

荔一株十年生實三百六十五枚味甘色潤其香

如墨故名每歲實如前數及先生鄉薦捷南宮入

翰林俱倍之先生卒樹亦枯見省志引陳鼎荔枝

銅山攬天高崖魄巨海雲濤涵鬣鬣石齋先生生于

漳州銅山之深



并炎荒精氣孕神靈草木曰人猶瓊瑋黃公攬揆如

靈均談甜金斧來神人

洪思黃子年譜子生之夜父青原公夢有執金斧擁神人

而至者先生續騷云始龍夢彼乾精兮鏐鎔其復聞

若鎧選嶂岬而談甜兮旋盤礴於腑內謂此也

陳鼎荔支譜先生園中有赤石長數丈大數圍母夫人夢石墜而先生生故號

曰石

石旁荔子偕生春翰墨名香天下寶花實周天

通易道華采曾同忠獻榕

方輿勝覽韓國華為泉州守生魏公時治前榕樹悉

花楨祥孰數科名艸命世文章老更奇忠貞末季寶

撐持美人侘傺楸蘭怨故國蒼涼未黍悲絕憐人日

梅花帳

石齋逸詩有新安人日新安觀敵帳梅花四首

瑶枝零落斜陽唱逆

又有初至白下見玉梅盛開愴然留示諸子四首末云夫沃東風那得知尋常野草自瑶枝浩歌一曲開

君眼會有斜心傷薇蕨罷登臨汗出聲風默惆悵洞

陽零落時此木武帝以枝徧賜群臣海山仙子魂歸來死冥

記聲風木武帝以枝徧賜群臣海山仙子魂歸來死

若有疾則此木汗將死則折

生義不離根黃骨隨赤命驕文圃應逐醍醐上帝臺

陳鼎荔支譜萬麻初螺女江南甘果山產荔名玉帶

東佳人噉十顆輒醉酲如中酒又名醍醐荔神廟崩

此荔數百株俱槁死又同安文圃山產荔名赤命符

皮有綠文如符篆狀國初樹結一荔有文三字曰

清受平生畫松喜竒崛先生文集有畫松下七惜不

濡毫寫尤物千秋想像頽虬姿空薦黃蕉拜朱紱

題王林明秋山行旅圖奉吳荷屋藩伯用卷中程春

海學士恩澤韻

丁亥

落葉空山沒行跡松陰漠漠風吹石野橋流水濺人

衣無數山雲罨谿碧此閒風景阿誰知祇恐豪顛不

能畫山樵筆妙偶得之神仙清賞開瓊扉游戲丹青

君亦為潘伯嘗仿此圖贈程學士招余指點畫中詩駢驢荷擔各

向背撲面一一秋巒竒使君昨念高堂老四牡懷歸

馳傳蚤陽孝尊忠慰襟抱萬里驟駢捷乘蹻涼風持

節薊門秋細雨塞檐汶陽道潘伯去歲假歸定省仲秋還朝即銜命藩

閩之亂山巒巒趨楓嶺旌旆斜陽澹人影萬林紅樹

送長亭幾處茅檐晚烟冷謁來榕海狎蛟鼉幾忘松

石戀滄波忽橫秋色西窓下猶夢千峯醉如赭

韓芸舫巡撫龍湫宴坐圖

雁蕩之奇世莫傳其最乃在雙龍湫何年尊者此卓

錫九天翻倒銀河流大千一息八十返笑視天地同

浮漚惜我水波真諦絕

宗鏡錄如水八波頓教一色法無非真理所收

道人

一去三千秋公身得非金粟化名山宗主重來遊憶

昔樓船正橫海手持英蕩綏東甌永嘉著屐渺閒暇

脩羅雨兵森劔矛蛟螭蹴踏魚鼈竄自歸佛鉢杖長

蚪波旬爪翻禪窟避賢劫弓仗恆河投勅龍取水大

雲覆天馱下注敷閭浮鬱單粳稻足朝暮瞿摩衆食

無停留神功靜斂若無覺湛然不動心悠悠此時宴

坐觀自在玉龍飛雪千巖幽波濤萬變無住相煙霧

漠漠風颼颼回思貝多樹下席須臾喧寂知何由塵  
勞煩惱生大地虛空能護山河周悄然作圖示解脫  
神明澡練三摩修祇今為霖澤南國辟擲沙界還齊  
州澄思足可鎮囂俗依然嘯傲凌滄洲君不聞蒼生  
安穩是佛理要法何必詢彼璫本木患經

題沈夢塘東越脩書圖

學淵

生不作散仙方外鞭鸞鳳日仰屋梁著書亦何用豈  
如棲遲海上三神山擲筆天池恣吟弄南荒開國古  
無諸地志山經充棟儲建安舊寫姬媿記禹穴新紉  
宛委書八俊同時才輻湊滿堂豪翰鏘文囿共請圖

經訂摯雲終須准望詢裴秀琉璃闕鳳麟洲七年重  
作汗漫遊招要喜遇東諸侯鬥茶擘荔文醺洽醉倒  
夾漈之宅儀卿樓我亦從君參几硯衰茶焉堪充論  
薦衛贛徒存越絕編園稱難緝陳留傳回憶紅梨庭  
院春花開翠簾銀燭脩書來甯知斑鬢松陰下顛顛  
青山染麝煤

題吳西林贊府赤嵌從軍圖 廷棟

豪遊一擲班生筆東指博桑看日出樓船夜渡浦娑  
洋絕島蛟蠶聳驅叱幕府親臨撫悍僮鬥螞戰蟻空  
焚燹紅毛城闊旌旗肅白玉山高華亭消王粲從戎

經幾月枚臯馳檄常時發譚笑曾吟蠻府魚衣裳莫  
怪參軍鶻即今海外靜風濤回首營門廁掾曹恍慨  
誰磨首洛盾勲名應贈呂虔刀

送姚石甫令君入都即題其心清消息圖後

石甫令君海內奇士也伉爽闊達論天下事慷慨  
有大志文詞跌宕曠逸如其人蓋令君承累世文  
獻濡染家學而又負異人之姿故所造如此未壯  
成進士宰吾閩龍溪移臺灣威慶並施有善績然  
嘗墨吏議免既而以獲盜復官又為吏所持丁母  
憂歸人事迹遭而所養益遽令君之明乎消長詘

申之道久矣今天下人才少衰然豪杰未嘗不閒  
出苟得如今君等百輩參錯司牧其閒何惠民俗  
不更化吏治不古若我令君頃服闋將謁選謂余  
不可無贈言余山林人也焉有所計議裨令君然  
今君交余近十年氣誼相孚於其行也心拳拳不  
能捨迺即其所屬心清消息圖識而歸之心清消  
息者其友人方植之贈詩合用後周蘇綽傳語而  
令君取之以為圖也

生未三爻夢吞易誰向仲翔究消息十言與眇豈終  
霾用九乾元見天則紛紜萬物流六虛所恃寸心能



識職卓哉姚君鳴宓琴自以易理為官箴陰陽升降  
合變化動靜盈虛貞古今漳南摘伏銷兵闢海外綏  
來歸馭控但今桑椹信懷鷄何必鷹鷂不如鳳君才  
良玉切昆吾君懷朗月懸方壺神明通矣物情徹天  
人之道探元珠一善揚箴似任昉交余亦契青霞想  
久從敬禮託論文况復浚儀恩畫像十年蘭芷兩情  
并一日驪駒百感縈送君高步陟閭闔宣室方看召  
賈生豹變龍伸時已動勿勞卦卜問君平

楊雪菜比部金陵策蹇圖

道光壬辰

長隄綠柳臺城路落日烏啼白門樹遙指煙波江上

愁幾片風帆桃葉渡騷人偶作秣陵行驢背尋詩詩  
思清蔣侯祠畔花爭發孫楚樓前酒細傾射策金門  
繼通籍郎署從容楊執戟馬蹄日逐軟紅疲回憶江  
南繪塵迹朱雀橋桁幕府山烏衣門巷長干陌邀笛  
曾臨溪水青雨花仍否經臺碧去年江漲溢秦淮鴻  
雁嗷鳴雜鼃鼃吾鄉藩伯新綏輯謂林少穆河帥舊  
秋莅藩宣水賑災  
事依舊親人魚鳥來期君它日持旌琥吟鞭重抵雞  
籠宇無事青山嘒六朝但向婁湖訊風雨

宋元豐東嶽蓮盆歌

福州東城外東嶽行宮建於五代閩三山志所謂

東華宮泰山廟也宋大中祥符間寢廣其制庭中  
故有蓮盆四分寘東西廡下自頸以下周圍為師  
子蟠花甚精其二後毀其二亦間有綻裂以灰黏  
之實以泥坐以方石故不壞以宋三司布帛尺校  
之圍徑三尺二寸六分脣銘云懷安縣感應鄉西  
安里弟子鄭德與室中林三十一娘捨蓮盆入東  
嶽永充供養元豐元年正月初一日題紫銘元字  
止八年歲次乙丑明年元祐改元矣今云歲次戊  
午為元豐元年無疑審西廡下盆銘作元無誤殆  
字形相近久自來金石家所未著錄宋元郡志亦  
遂致漫漶耳未收也非金石而能久留吁亦異矣余見之亟以

巨紙搨得數幅於是人間始有墨本因裝潢而為之歌

元豐元年正月朔懷安有客題東嶽鄭德偕林卅一孀捨此蓮盆比雙珥旒人埏埴一何工異獸竒花勝鐫琢位寘妥帖娛明神照耀中庭映棖楠園徑量容三尺餘繞肩銘字森芒角祥符宮觀雖更移王氏仍留金殿倬三山志淳化四年裴詢福州東華宮泰山嶺巖乞福人多紙錢飛雪祭神客報竹葉成池陰設之部從克全地府之曹僚畢備然則廟中神鬼像設自宋初已然而殿宇則王氏之舊也朝廷方罷鬻祠錢此間丹雘紛彫斲享祀虔恭踰四方神之所祐宜豐渥放翁祈雨本

為民

渭南文集有福州昭利東嶽廟祈雨文

想見靈風動帷幄西安里

民亦盥乎韋布家風猶愿慤豈緣佞媚祈福祥祇供  
幽冥資被濯東郊五月芙蓉開綠水紅雲動灑滸居  
然筐筥荐蘋繁奚事蓬萊採花藥貽留到今七百年  
其二僅存免摧剝非石非金能自壽得非神力陰持  
握三山梁志舊未收墨妙從教付孫覺我初見之喜  
欲狂文字况裨稽古學縱遜坡翁雪浪奇終殊杜老  
田家櫟世間萬物誰瓦全甌缶瓶罍徒齷齪

竹莊歸釣圖為丹崖臬使題

鳳來

豪杰行藏天命鐘鼎山林並天性但能邱壑養夔

龍何有衣冠媿嚴鄭使君家世珥金貂列戟名門鳴  
玉鑣蚤識俊才厲鷹隼誰無高意向漁樵往時荆郢  
江隄毀陪奉重臣出臨視從茲川址與湖南露冕褰  
帷照春水竭移海嶠旌花開繡衣持節肅風雷臺陽  
徼外爭蝸角籌筆戎機鷺島來風濤瀕洞移情速不  
待聽終海中曲忽思泉石竹莊幽釣磯豫訂鷗鳧宿  
萬竿寒玉森青阪半畝晴漪漲平畹苦憶桃花春鰕  
肥焉知莼菜秋鱸晚為報蒼生倚謝公漫吟獨樂洛  
園中且埃岱雲霖雨徧角巾徒步溪橋東

長歌送沈夢塘還寶山癸巳五月

煙林積雨花冥冥垂楊綠黯溪橋亭婁江有客告我  
別我淚欲迸愁霖傾問君南歸何太遽君言百緒懸  
家庭慈親衰白缺陝養倚閭寄語心怛怛前年人稌  
失子敬壯歲婚嫁牽向平去冬江南苦雨雪入春寒  
氣多陰曠蘇松幾無三日霽宿麥浥爛呼癸庚江址  
春花不及播亦因積水畦間停洪湖水誌逾丈六下  
河開壩虞妨畊雖煩大吏急撫賑鄉江詎免蛟魚腥  
無田亦關桑梓病何如返敏蓬茅局我嗟君行豈得  
已人生自昔傷飄萍八年遊蹤歷嶺嶠五載書局同  
齋廳君才健如嘯風虎君飲豪如吸海鯨天懷伉朗

屬霄漢喜與膠漆心蘭馨君年宜抱用世志待時濟  
物驅風霆蹉跎歲月駒過隙豈樂晦迹鷗鳧汀蕩花  
風發水驛遠吳淞漾碧搖輕舲雞鳴高堂奉棗栗烏  
語軒榭斟酌醪醑西得諸侯棹三泖謂少穆侍郎撫吳仙翰傾  
倒新宮銘嚴徐東馬各擅妙願君蚤步承明廷東華  
回首憶老拙虛拈秃管親燈檠良朋一別幾再聚吾  
已六十踰三齡安得四方上下逐雲龍韓孟無離形  
且盡濁醪雙耳併鸚鵡盃綠荷筍青無須獨共三閭  
醒高誦兀傲凌滄溟